

КАНОН ПЕРЕД ТИХВИНСКОЙ ИКОНОЙ  
ПРЕСВЯТОЙ БОГОРОДИЦЫ  
*Память празднуем 26 июня (8 июля)*

*Тропарь, глас 4-й*

Днесь, яко солнце пресветлое, возсия нам на воздухе  
всечестныя икона Твоя, Владычице, лучами милости мир  
просвещаючи, яже великая Россия, яко некий дар  
Божественный свыше благоговейне восприемши,  
прославляет Тя, Богомати, всех Владычицу, и от Тебе  
рождагося Христа Бога нашего величает радостно. Емуже  
молися, о Госпоже Царице Богородице, да сохранит вся  
грады и страны христианския невредимы от всех навел  
вражиих и спасет верою поклоняющихся Его  
Божественному и Твоему пречистому образу, Дево  
Неискусобрачная.

КАНОН, ГЛАС 4-й

*Песнь 1*

*Ирмос:* Отверзу уста моя, и наполнятся Духа, и слово отрыгну  
Царице Матери, и явлюся, светло торжествуя, и воспою, радуясь,  
Тоя чудеса.

Припев: Пресвятая Богородице, спаси нас.

Даждь ми, Светодавче Христе, в нарочитый день  
преславнаго явления иконы, Родившия Тя, светло  
торжествовати и весело во страхе и радости воспевати  
присно Тоя чудеса.

Пресвятая Богородице, спаси нас.

Слово Божие Светодательное и Премудрость Отчую  
плотию, Дево, рождающая, просвети глубокую тьму моего  
неразумия и слово ми подаждь воспевати Твоя чудеса.

*Слава:* Днесь верных собори просвещаются, еретическая  
же ополчения посрамляются, видяще икону твою,  
Владычице, яко солнце, по воздуху шествующу, нечестия  
мглу потребляюще и верныя просвещающе.

*И ныне:* Единая еси Ты величие наше и похвала с Богом,

Богоневѣстная, Тобою бо от бед спасаемся, и к Тебѣ прибегаем, и прилежно молимся: избави, Владычице, рабы Твоя вѣчнаго мученія, воспевающія Твоя чудеса.

### *Песнь 3*

*Ирмос:* Твоя песнословцы, Богородице, Живый и Незавѣстный Источниче, лик себе совокупльшия, духовно утверди, в Божественней Твоей славе венцев славы сподоби.

Пресвятая Богородице, спаси нас.

Христѣ Иисусе, Превѣчный Царю и Многомилостиве, пречестнаго Твоего образа и рождшия Тя Приснодѣвы просвети нас явлением и подаждь нам согрешений оставление и от бед избавление.

Пресвятая Богородице, спаси нас.

Егда Ангелами невидимо носиму пречестную Твою икону, Владычице, и светозарно стоящу на воздухе людие видеша, тогда, просветившися светом Твоея милости, радости неизглаголанная исполняшася.

*Слава:* О Боголюбивии святителие и священницы, монаси и прости и народи вси, светло ликовствуйте днесь, яко возсия на высотѣ Заря светоносная, держащи Истиннаго Свѣта, изображена плотию, с Нимже сниде к нам, подаючи всему миру просвещение.

*И ныне:* Твоею, Дѣво, всечестною иконою древле Творецъ всех чудодѣйствова, спасе Царский град от иноплемѣнных нахожденія; сїце и Россійстей странѣ буди, Госпожѣ Царїце, покров и заступление, спасаючи ю от всех навѣт вражїих.

Господи, помилуй (*трижды*). Слава, и ныне:

### *Седален, глас 4-й*

Яко древняго войстинну кивота честнейший Твой пречистый образ, Владычице! Паче бо илѣктра блистаяся, повсюду неоскудно лучи милости Твоея всем, являя, простирает и чтущія преславное пришѣствие его благодатию Божїею милостивно соблюдает. О немже, Владычице, мы, радующася, усердно празднуем и матернее Твое к нам милосердіе прославляем

## *Песнь 4*

*Ирмос:* Седяй в Славе на Престоле Божества во облаце легце, прииде Иисус Пребожественный Нетленною дланию и спасе зовущия: Слава, Христэ, силе Твоей.

Пресвятая Богородице, спаси нас.

Земля́ убо вся днесь да возвеселится, вкупе же и воздух, и море да кропит радование, яко всечестнаго образа Богоматере чудесным шествием Российская страна преславно озарися.

Пресвятая Богородице, спаси нас.

Раболепно служат и Ангельстии чинове Тебе, всех Царице, и благоговейно почитают всечестную Твою икону, воспевающе Тя, Пресвятую Деву, мы же, смиреннии, како Тебе, Всечистую, достойно пети возможем?

*Слава:* Архангельскую песнь, еже радуйся, Тебе зовем, Богоневесто, Господь с Тобою, радуйся, радости Ангелов и всех человеков, славящих Тя, воистинну веселие, спаси души поющих Тя, Богородице Чистая.

*И ныне:* О Богородительнице, радости Подательнице, верою славящая Тя и от души поющая радости неизреченныя исполни и Света Невечерняго сподоби, Дево Благодатная, Владычице.

## *Песнь 5*

Ужасошася всяческая о Божественней славе Твоей: Ты бо, Неискусобрачная Дево, имела еси во утробе над всеми Бога и родила еси Безлетнаго Сына, всем воспевающим Тя мир подавающая.

Пресвятая Богородице, спаси нас.

В пустыни явлено Тебе, Богомати, со святителем благоговейный узрети муж сподобися и благоволения Твоего глаголы от Тебе, Царице, восприят, на большее утверждение и в пользу миру спасения.

Пресвятая Богородице, спаси нас.

Окаянен убо аз, Всечистая, и недостойн таковыя ныне благодати еже Тя видети, но поне в будущем сподоби мя узрети Тя, и Сына Твоего усрести, грядуща во славе, и глас Божественный услышати, зовущ во Царство Небесное.

**Слава:** Прибегаем к Твоей, Деве, благодати, и очи сердец наших воспуцаем к Тебе, Чистая, и, с плачем колена преклоняюще, молим Тя: не презри нашего воздыхания и буди нам покров и Помощница в День судный.

**И ныне:** Единая еси всех Предстательница христиан, Богомати Пречистая, услыши наше моление, возри на ны, Всепетая, спаси град и обитель Твою и озари стадо Твое зарею благодати Твоего заступления.

## **Песнь 6**

**Ирмос:** Божественное сие и всечестное совершающее празднество, Богомудрии, Богоматере, приидите, руками восплещим, от Нея рождаемого Бога славим.

Пресвятая Богородице, спаси нас.

О, предивного Твоего чудесе, Владычице! Яко за преслушание Твоего повеления ужасно человек с главы церковныя восхищен быв, на земли невредим обретесе, милостию Твоею, Всемилостивая.

Пресвятая Богородице, спаси нас.

Никтоже тако преслуша Божественная повеления, якоже аз, окаянный. Тем, Ти припадая, молюся, Владычице: прежде даже до конца не погибну, настави мя на истинный путь и спаси мя, Чистая.

**Слава:** Ты, о Богомати, рождающая Претерпевшаго нас ради на Древе Крестнем распятие, умоли присно нам, страдание Его святое помнящим, волю Его Божественную творити и вечных благ наследниками быти.

**И ныне:** Владычице, Деве Чистая, избави нас лютых всех, умоляючи Пригвоздившаго на Кресте грехи наша, и сподоби нас достойно одесную Его стати, егда придет во славе Своей.

Господи, помилуй (*трижды*). Слава, и ныне:

## **Кондак, глас 8-й**

Притецем, людие, к Деве Богородице Царице, благодаряще Христа Бога, и к Той чудотворней иконе, умильно взираючи, припадём и возопиём Ей: о Владычице Марие, присетивше страну сию Твоего честного образа

явлѣніем чудѣсно, спасай в мѣре и благовременствѣ отѣчество наше и вся христианы, наследники показующи Небесныя жизни, Тебѣ бо вѣрно зовѣм: радуйся, Дѣво, мѣра спасѣніе.

### *Икос*

Пречудное явлѣніе Богоматѣре видяще, на высоту добродѣтелей взыдем и ум на Небо возведѣм. Сего бо ради небошественне прииде, да привлечѣт к высотѣ вопиющія Ей сице: радуйся, благословенная Дѣво, от всех родов Богом избранная; радуйся, Небесная Царице, Господа Бога Мати и Творца всяческих. Радуйся, всерадостное Ангелом пѣніе; радуйся, всежелательное всего мѣра зрѣніе. Радуйся, неподвижное вѣры благочестія основаніе; радуйся, всесвѣтлое благодати познание. Радуйся, Божіе к земным благоволѣніе; радуйся, земных к Богу возведѣніе. Радуйся, озлобленным душам утѣшеніе; радуйся, всем вѣрным скорое поможѣніе. Радуйся, дарованная от Бога Предстательнице роду христианскому, егѣже и соблюдай прилѣжно от всяких бед и зол, да зовѣм Ти: радуйся, Дѣво, вѣрным спасѣніе.

### *Песнь 7*

*Ирмос:* Не послужиша твари Богомудрии паче Создавшаго, но, огненное прещѣніе мужески поправше, радовахуся поюще: препѣтый отецъ Господь и Бог, благословен еси.

Пресвятая Богородице, спаси нас.

Единочадый Твой Сын и Бог всех, Богомати, пречистый Твой образ невредим сохрани во пламени, о, чудесе! Благодатию паче солнца обретесе сияющ, и вѣрныя просвѣщающ вѣрою поющія: Божѣ, благословен еси.

Пресвятая Богородице, спаси нас.

Небеснии Чинове веселятся с земнородными, Богородице, в свѣтлом торжествѣ Твоѣм, еже совершающія ны и со страхом предстоящія пред пречистым Твоим образом просвети свѣтом сиянія Твоего, Пречистая, и вся спаси.

*Слава:* Единого от Троицы Бога Слова, Царя Небеснаго, плотию, Царице, родила еси, Того моли, Владычице, воинству нашему подати одолѣніе на противныя и всем

вѣрнымъ по́мощь, грехо́в оставле́ние и душа́м спасе́ние.

*И ныне:* Рабы́ Твоя́, Чи́стая, пою́щая Тя и вѣрою несумне́нною моля́щаяся Тебе́, светода́тельною Твое́ю и Божѣственною осени́ благода́тию, я́ко Благоде́теля всех ро́ждшая, и покрый и сохрани́ от всех наве́т вра́жиих.

## *Песнь 8*

*Ирмос:* Отроки благочестивыя в пещи́ Рождество́ Богородичо спасло́ есть, тогда́ убо образу́емое, ны́не же де́йствуемое, вселенну́ю всю воздвиза́ет пѣти Тебе́: Го́спода по́йте, дела́, и превозносите́ Его́ во вся вѣки.

Пресвята́я Богородице, спаси́ нас.

О, пресла́вных чудесъ Твои́х, Чи́стая! Я́ко зда́тели святы́я це́ркве Твоея́, под ка́мением тридне́вно бы́вшии, обрето́шася жи́ви и безвредни, покрóвом соблюде́ни, Тебе́, всех Цари́це, возсыла́юще гла́сы похвальныя.

Пресвята́я Богородице, спаси́ нас.

Жизнь вмѣсто смѣрти дарова́ла еси́, Богородице, ме́ртвенному существу́. Те́мже и нас, умерщвле́нных грехи́ мно́гими, Богоневѣсто, неврежде́нны от враг соблюди́ и к жи́зни лу́чшей возведи́, спаса́ющи ду́ши на́ша.

*Слава:* Днесь испо́лняшася ра́дости и весѣ́лия вси вѣрнии о ико́не Твое́й, Богородице, я́ко в че́люстех смѣрти бы́вшим яви́лася еси́ Жи́зни Вино́вница и исто́чник приснотеку́щий, целе́бныя дары́ всем то́чащий и спасе́ние пода́ющий.

*И ныне:* Изря́дно воспѣ́та пречи́стаго Твоего́ о́браза и ро́ждшагося из Тебе́ Младенца́, и́стинна же Бо́га, чу́дныя ико́ны пресла́вное прише́ствие совоку́пльшихся люде́й отвсю́ду, Всепо́етая, моле́ние приими́ и проше́ния испо́лни.

## *Песнь 9*

*Ирмос:* Всяк земноро́дный да взыгра́ется, Ду́хом просвеща́емь, да торже́ствует же Безплóтных умо́в естество́, почита́ющее свяще́нное торже́ство Богома́тере, и да вопи́ет: ра́дуйся, Всеблаже́нная Богородице, Чи́стая Присноде́во.

Пресвята́я Богородице, спаси́ нас.

Явле́нию, Влады́чице, всечестны́я Твоея́ ико́ны кто не удиви́тся или кто не почуди́тся? По возду́ху бо сию́, я́ко не́кий дар светоно́сный, низпосла́ла еси́ земли́ Росси́йстей,

ра́достно пою́щей Тя и ве́рно велича́ющей.

Пресвята́я Богоро́дице, спаси́ нас.

Ра́дость ми́ру, Де́во, неизглаго́ланную дарова́вши явлéнием пречи́стыя Твоея́ ико́ны, изба́ви, Влады́чице, от вся́кия печа́ли ве́рою покланя́ющихся ей и со стра́хом целу́ющих ю: о Пресвята́я! вся спаси́ и помилуй и Ца́рствия Небе́снаго сподо́би.

*Слава:* Ро́ждшая, Влады́чице, Человеколю́бца Бо́га, за человеколю́бие посети́ла еси́ нас Божéственною Твое́ю ико́ною, к нейже́ всегда́ притека́юще и благоле́пие ея́ зря́ще, Тебе́ умилъно вопи́ем: спаса́й при́сно, Богоро́дице, досто́яние Твое́.

*И ныне:* Устна́ми смире́нными принесóх Ти препрóстое сиé, Всепéтая, пéние: понéже груб есмь, многогрéшный, и недостóин по досто́янию воспéти Тя, но от усéрдия на Твоя́ щедрóты наде́яся, я́ко Спаси́теля всего́ ми́ра родила́ еси́, не возгнуша́йся, Цари́це, приими́ сиé и спаси́ мя.